



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author. 以下剧本只作参考用途，如欲采用或改编，须先取得作者同意。

Name of School : PLK WONG WING SHU PRIMARY SCHOOL

学校名称 : 保良局黄永树小学

Name of Play 剧名 : 大农夫

Script writer 剧作者 : 罗松坚 (导师)

Synopsis 故事大纲:

在一条偏僻的村庄，大农夫集团在附近开了一个农场后，当地的村民陆续生病，而一个养蜂场老板的蜜蜂也大量死亡。村民们纷纷到大农夫集团门外投诉，可惜敌不过由大农夫的儿子所带领的科学团队的科学数据。村民们也自资聘请科学团队来搜集证据，欲证明最近的一连串环境问题都是出自大农夫集团。谁不知，科学团队总监的父亲正好就是大农夫。到底，这位科学总监会为了科学的真相而大义灭亲，还是为了父亲的毕生产业而隐瞒包庇呢？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author. 以下剧本只作参考用途，如欲采用或改编，须先取得作者同意。

第一场：人病了，蜜蜂都也死了

(大农夫集团大厦门外。大农夫、Michael、峰老板、阿源、村长、晓南妈妈、晓南、丽姨姨、贤仔入)

村长：一定系你哋搞成咁慨！

晓南妈妈：无错！一定系你哋！

大农夫：我哋先嚟得嗰半年多啲，点会关我哋事呢？会唔会系有咩搞错咗呀？

丽姨姨：自从你哋嚟咗之后，我啲小朋友就成日唔系肚痛就发烧。

Michael：小朋友抵抗力弱就梗系多病痛啲啦，畀多啲维他命佢哋食啦。

丽姨姨：以前佢哋好健康，唔驶食咩维他命㗎！

村长：莫讲话小朋友，连大人嘅身体都差咗。我以前，日日朝早五点上山晨运，气都唔喘一吓，而家，讲多两句嘢都无气咁济呀。

大农夫：你睇吓你啱啱几好气？边有你讲得咁夸张呀？

峰老板：仲有呀，我养蜜蜂养咗几十年都好哋哋慨，系呢半年开始先至无端端死吓又一只，死吓又一只。

大农夫：蜜蜂就梗系会死啲啦，有乜咁出奇呢？

阿源：你而家即系话我老板养得唔好啦！大

农夫：我边有咁讲呢？

Michael：大农夫想讲嘅系，蜜蜂会死，系大自然嘅定律啲㗎。系蜜蜂都会死啲啦。

大农夫：咪系咯，我未嚟之前，你养嘅蜜蜂系唔会死嘅咩？系嘅话，我真系想买晒你啲蜜蜂畀我个仔 Michael 攞嚟做研究。

阿源：你整死我啲啲蜜蜂，仲想攞佢哋嚟做研究？！

Michael：唔识死嘅蜜蜂㗎，佢哋嘅 DNA，话唔定可以攞嚟做长生不老药添㗎。

大农夫：啱~~到时，就可以全部人类都唔驶死，个个都长生不老，全世界嘅人都要多谢你啲蜜蜂呀！

村长：你唔好打横嚟讲㗎！明明就系你嚟到之后，我哋条村先会有事嘅！

晓南：妈妈我又肚痛喇。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author. 以下剧本只作参考用途，如欲采用或改编，须先取得作者同意。

村长： 喺，系咪呢，话口未完，啲小朋友又肚痛喇。

晓南妈妈： 忍多阵，好快就会返去。

贤仔： 妈妈，我都有啲肚痛呀。

丽姨姨： 吓？你都肚痛？

大农夫： 又会咁啱慨，一个小朋友啖完肚痛又到另一个，你哋系咪夹埋㗎？

阿源： 你唔好咁过份㗎！你唔认都算啦，仲想话我哋夹埋嚟呢你。丽姨姨： 系呀，小朋友肚痛我做阿妈嘅会好开心咩？呃你嚟做乜呀？

大农夫： 你哋呢种人我都唔系第一次遇到㗎喇。你哋想做乜我会唔知咩。见我初嚟步到就诬蔑我话我整病你哋，又话我整死晒你哋啲蜜蜂，仲要特登走嚟我嘅办公室嘈喧巴闭，搞咁多嘢，都系想屈我赔偿畀你哋之嘛！

峰老板： 我哋几时有讲过要你赔偿呀！我哋唔知你搞乜，总之你个农场开咗之后，我哋唔系病就系死。

大农夫： 乜而家有人死咩？

村长： 而家无。

大农夫： 咁咪得嘢？你哋嘈乜嘢呢？

晓南妈妈： 而家无啫，我个小朋友日日咁痾法，迟早会畀你累死都唔出奇呀。

Michael： 日日？日日都肚痾？小朋友，我问你，你系咪真系日日都肚痾呀？

晓南： 吓？

晓南妈妈： 唔驶惊，答佢。

晓南： 我今日有。

Michael： 咁寻日呢？

晓南： 都有。

Michael： 咁前日呢？

晓南： 前日…

大农夫： 喺，小朋友唔可以讲大话㗎。你妈妈实有教你格。

晓南： 无…



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author. 以下剧本只作参考用途，如欲采用或改编，须先取得作者同意。

Michael: 咁咪唔系日日嘢。

大农夫: 咁你呢？你又系咪日日都肚疴呀？

贤仔: 我好叻呀，我系今日先肚疴咋。

大农夫: 你睇吓，细路哥都诚实过你。你哋呢班大人，讲埋晒啲嘢全部都无凭无据慨。

晓南妈妈: 咁讲嘢系咁啱啦，边有咁精准慨啫。

大农夫: 唔系讲嘢就系咁，系乱讲嘢先会系咁。

Michael: 阿爸，唔好嘅时间同佢哋拗落去喇。喲，呢度，系我哋大农夫农产业大集团慨科学数据，里面有齐晒我哋耕种慨方法、品质检定慨数据同报告。你哋自己攞返去慢慢睇，就会知道我哋慨成个生产程序都系安全可靠。

大农夫: 返去啦，除非你哋都有份精准慨科学报告，如果唔系，唔好再行近我哋慨农场同办公大楼半步。有咩损失，我哋都一定追究到底。

(大农夫和 Michael 离开)

阿源: 岂有此理，真系恶人先告状！

村长: 没办法啦，咁我哋又真系攞唔到啲咩实质慨证据出嚟。

丽姨姨: 村长，你唔可以灰心㗎，你都放弃，我啲小朋友就无希望㗎喇。

峰老板: 系呀，连你都放弃，我啲蜜蜂就死得不明不白㗎喇。

村长: 既然系咁，我哋一于自己请一队科学家嚟，帮我哋解决。

丽姨姨、峰老板、阿源: 好!!!



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author. 以下剧本只作参考用途，如欲采用或改编，须先取得作者同意。

第二场：科学家团队的发现

(村会堂。峰老板、阿源、村长、晓南妈妈、丽姨姨、Karen、Raymond、Joanne、Anna 入)

Karen: 村长，今次慨调查已经有结果喇。

晓南妈妈: 点呀点呀？你一定要帮我哋呀！你知唔知我哋啲村民几惨呀--

Raymond: 等等先。打断咗你唔好意思。我哋好想帮你，但系我哋做科学慨，讲求客观慨数据同事实。无论结果系点，我哋都唔会系特别偏「帮」任何一边。

峰老板: 你系我哋出钱请返嚟㗎，你唔帮我哋打抵班衰人，我哋请你返嚟做乜呀？

Karen: 我哋受聘，系为大家搵出个真相。唔通你哋唔想知，你哋啲蜜蜂突然大量死亡嘅真正原因？从而令你慨生意回复正轨咩？唔通你哋唔想知，呢度啲大人同小朋友会突然之间成日唔舒服嘅真正原因？从而大家搵到真正回复健康慨解决方法？

丽姨姨: 想呀想呀！

Joanne: 希望大家请得我哋，亦都信任我哋。

Anna: 我哋有我哋慨专业操守，科学精神唔会容许我哋畀钱收卖。

阿源: 嗱气，你哋做科学慨个个都「一担担」！净系识得为钱！

村长: 唔好嘈！咁多村民冷静啲先。我哋都未听佢哋发表个调查报告，做乜事咁快又咁激动？

Karen: 啱，大家都冷静啲先，听埋我哋报告先啦。我哋慨副总监 Raymond 同埋佢嘅助理 Joanne、Anna 会同大家简报今次慨调查结果。

Joanne: 先讲蜜蜂死亡数量上升慨原因先。我哋喺已死慨蜜蜂身上，搵到过量慨浓药，超标接近----

峰老板: 喺，我都话㗎喇！实系嗰班----

村长: 唔好嘈！再嘈赶你出去。

Joanne: 我哋系已死慨蜜蜂身上，搵到过量慨浓药，超标接近 30 倍。

全部村民: 哗~~~/有无搞错呀！！/离晒谱㗎！

村长: 静啲！静啲！